

տակ: Երկայն բազուկներ, գէպի յետ շրջած
 ահագին ձեռքերով, որ անընդհատ ճօճում են:
 Ծայրը ծայրին նայող, ծուռ ոտքեր, որոնց
 չուրջը լողում է մոխրագոյն մի վերարկու:
 Մարդը դնում է, ու աները կարծես շար-
 ժբւում են ներսի անհանգիստ մտածողների

հետ միասին: Փողոցից ելեքարական հոսանք-
 ներ են անցնում ու մխրճւում խոր լուսթեան
 մէջ:
 Մարդը ժպտում է, Քայլերը արագացնում:
 Կէս գիշեր է:
 (Շարունակելի)

Հ Ա Ն Գ Ր Ո Ւ Ա Ն Ը

Կ'իջնէ մութը վերստին, կը պարուրէ ամէն բան,
 ու կեանքիս հետ օրէ օր կը մօտեցայ վախճանին.
 — Հագար լուսնակ խորքին մէջ շողշողացին ու անցան,
 ու հիմա այդ բոլորէն չի մնաց ցոլք մ'իսկ յետին:

Ես հոսեցայ դաշտերէն, արտերուն մէջ կիսուեցայ
 Առուակ ստուակ՝ անսպաս մեծ բարութեան մը հանգոյն.
 ու անցնելով աւերքէն ժամանակին՝ հասկցայ,
 Որ գիս բշտոյ օրէնքը կ'իշխէր բոլոր իրերուն:

Ես հոսեցայ անթափանց անտառներու սիրտերէն,
 Ուր ջուրերն իմ մ'բնցան խորհուրդներով անձափօ.
 Երակի պէս հոն քաղուիլ տարփանքս եղաւ տարօրէն,
 Սակայն, պարտ էր ինձ յանգիլ նախորոշուած հունին մօտ:

Ես ալ գիտցայ մոնչել վիհերն ի վար, հնչեցնել
 Ջորերն՝ ինձ դէմ բռնըւած դաշտերու պէս մետաղէ,
 Ինքզինքս զգալ յաղթական՝ տարբերու վրայ անարգել,
 Քանդել պրկող գիս կամուրջն ինչպէս պսակ բաղեղէ:

Երբ սկսան ծաղկաւոր, բռնկած բոցովն արեւուն,
 Կնդրուկի պէս ափերուս վրայ իրենց բոյրը քափել,
 Ես ալ պատրանքն ապրեցայ սիրոյ շէնշող աչքերուն՝
 Երբ փորձեցին՝ աստղի պէս՝ անյատակ սիրտս չափել:

Բայց չի գտայ, չի գտա՛յ կեանք մ'որ խառնուէր իմինին՝
 Ծաղիկներու բոյրերէն մինչեւ անել գերեզման.
 — Մին համբոյր մը քողած հոն, միւսը արցունք մ'անամուն
 Դեռ չի հասած վախճանիս՝ գերք երազներ չփացան:

Այսպէս՝ լեցուն ցաւերով, փլատակներով փառքերու,
 Կ'առնէ դանդաղ հալովն իր կեանքս դէպ իր հուսկ Հանգրուան,
 ու երկրային յոյսերու վրայ, երկնային ցոլքերու,
 Կ'իջնէ մութը վերստին, կը պարուրէ ամէն բան...

Կ. ԷՕԳՍԻԻՉԵԱՆ